

# ՀՐԱՊԱՐԱԿԱԼԽՕՍՈՒԹԻՒՆ

Գ. Մ Ա Ս Ն

Գարայ—նիի խան Գիւրջ Հիւսէյին ազի ընդունելութիւնը, — Նորա հայեացքը երկրի վիճակի վերայ, — Հայերի եւ քրդերի յարաբերութեան վերայ, — Գիւղական ուսուցիչ:

Մագուայ և Աւաջուղի խանութեանց մէջ պտտելիս թէ թաթարներից, թէ քրդերից և թէ հայերից անընդհատ գովասանութիւններ էի լսել Գարայ—նիի խան Հիւսէյին ազի վերայ: Միմիայն թաթար խաները, որոնց տան հիւր լինելու, նորանց հետ մի բաժակով օղի, ում անուշ անելու և միասին մի ամանից, ձեռքով նորանց անուանի փլաւը ուտելու պատիւը ունեցայ. նորա միայն ոչինչ չէին խօսում: Ես ուշադրութիւն դարձրի այդ անձի վերայ, որը հասարակ ժողովրդի մէջ հեղինակութիւն ու-